

通化縣志卷一

土地總序

國於圓輿之上必有與立所立唯何曰土地人民政事是也然有人民矣而無土地則人民無所居有政事矣而無土地則政事無所施此土地所以較人民政事爲尤要也一國然一省然一縣亦然我通自設治後幅幘至爲廣大山則蜿蜒綿亘水則環繞清漪地蘊五金之富閭饒蓋藏之積洵天府之雄邦也惟以山嶺阻隔人烟稀少業農者對於地利多不事研求故水則一望汪洋旱則禾苗枯槁致大好良田貨棄於地至足惜也爲今之計欲厚民生首宜盡地利欲盡地利宜本諸天然之經緯而曲盡人事之防範則水患天災自可蠲

除並宜廣事開採礦產疏濬水利以廣人民之財富而豐物產之品額本山川之幽美壯麗以發揮愛國之雄心而擴張英雄之浩志則有土有財固不難與先進各縣相頡頏也有民物之責者得吾說而惴惴施行之數十年後萬有一收富強之效乎非所逆睹矣故志土地首叙建置次叙疆域再次叙經緯再次叙城市再次叙山川再次叙險隘再次叙祠宇再次叙古蹟再次叙名勝再次叙田賦再次叙物產計分十一門都爲一卷

建置志

滄桑變幻朝市改易雖在名區亦莫不然此溯古證今之所以難也通化小縣僻處山陬設治迄今纔五六十年廢興沿革往籍多未經載筆且志乘失修文獻無徵溯其由來用相證印抑又難也孔子曰吾猶及史之闕文也茲遵斯意自有周以還稽諸盛京通志臚列歷代之建置備載今昔之異同其不可考者闕以志疑焉

周 肅慎氏地

秦 同

漢 挹婁地（挹婁即肅慎）

晉 挹婁地

通化縣志

卷一 建置志

二

南北朝 勿吉地

唐 屬渤海後改屬定理府查渤海設屬有如僑置往往移民他處仍用前居地名最難考證似宜以定理府為準

五代 屬契丹東平郡

宋 屬完顏婆速府路與舍音水接壤舍音水今奉天省濛江縣境屬建州衛初屬瓦爾喀部邵陽魏源云瓦爾喀江入鴨綠江兩岸皆其部落以地望考之今通化桓仁輯安悉瓦爾喀境也後設建州衛統於都司奴兒干縣境屬赫圖阿拉即建州衛

清 屬興京府劃旺清門東爲邊縣境始居邊外東至長白山悉封禁地興京府今改爲興京縣

光緒三年 設治縣城西南十五里大廟溝金艸滋事稱以金  
匪令提督左寶貴平之以升任奉天都督張錫鑾  
爲設治委員後補實缺

光緒四年 修城在佟佳江頭道江北岸南曰文明門東曰延  
和門西曰寶成門北不開門越五年落成是年並  
修縣署典史署巡防營捕盜營縣署居縣城中心  
點典史署在縣署西巡防營在南江沿捕盜營在  
典史署之西

光緒十二年 修壩濠十一年江水氾濫入城縣署淹沒東西南  
三面修壩濠以障之

光緒十五年 重修壩濠前修壩濠距江稍近江南岸石崖壁立  
江水東來石棚子水又南入江水勢旣湍急且稍  
曲流至崖下爲石阻回是年夏雨大行冲倒東南  
壩濠倒灌入城城外東南隅街市商舖悉被冲沒  
縣署宿舍二十餘間亦一律傾倒改修時範圍縮  
小距江較遠江底亦爲水淘刷日深三十餘年遂  
無水患

光緒廿九年 分設長白臨江輯安柳河四縣東劃滋生榮生德  
生洪生四保爲臨江縣又東劃慶生長生二保爲  
長白縣南劃永聚民聚同聚東咸聚西咸聚五保

爲輯安縣北劃宏養恩養惠養頤養安養和養愛  
養直養涵養純養息養休養善養撫養存養育養  
培養興養引養蒙養二十保爲柳河縣縣治初設  
東至二十三道溝今劃歸長白縣西至富爾江與興安縣交界南至新

開河與桓仁縣交界今劃歸輯安縣北至柳樹河與海龍縣交界今劃歸柳河縣東南至珠魯木

克善峯與桓仁縣交界今劃歸輯安縣東北至分水嶺與吉林省濛江縣交界西南至南

康刪嶺與桓仁縣交界西北至富爾江掌與京縣交界縱橫三千餘

里分設五十三保自劃分後東至五道江嶺與臨江縣交界

西至富爾江仍舊南至葦沙河崗與輯安縣交界北至分水嶺

與柳河縣交界東南至珠魯木克善峯山系長故東南至向至此峯東北至分水

嶺仍舊西南至南康刪嶺仍舊西北至富爾江掌仍舊縱

橫一千二百餘里分設二十二保

光緒卅四年 修監獄在典史署西是年並修監獄工廠在縣公署西南

宣統二年 添修高等小學校在縣署西光緒八年在此設立義學後改爲兩等學校屋小地狹不敷應用茅舍草房均將傾倒因將節存學款一律改修瓦房並在後院添購民地擴修瓦房

宣統三年 修各鄉自治公所警察區所同一院落是年並修鄉立各國民學校款由地方捐集

中華民國 仍舊治

元年 修平康里款借積穀存項歲入房租先儘積穀收  
回本利償清後作爲警款並修本城積穀倉在西  
門內共四倉每倉可積穀二百石

二年 修縣署辦公室純以舊料選用工則以監獄工場  
藝犯及拘留室苦力充之修西壩橋在西門外並  
修本城街道

三年 修東長橋在東門外修西興橋在西門外修警察  
所捕盜營裁撤後原有草房改駐巡警馬隊因在  
前院添修瓦房五間將警所移入並修各鄉大道

通化縣志 卷一 建置志 五  
以後逐年修理

四年 修理監獄工廠年久滲漏設法修補四圍繞以土  
垣並因印刷科添鉛石印在前院增修瓦房二間  
作售品處

五年 添修本城集穀倉二倉共六倉修各鄉積穀倉每  
鄉二倉附警區院內改編保衛團以預警改組修  
保衛團辦事處就典史署修理與第一團合居設  
快當茂街商民十數家被火焚淨以其距城四十  
五里爲晉省及赴安東要道因闢爲街市商賈輻  
輳居然成鎮修各鄉小道修嘉禾橋在快當茂子

修採木公司分局光緒三十四年開辦租賃東門外民宅至是在南江沿建修

六年 修女子學校在女校胡同修城立第一國民學校購民間舊屋十間修理一新校在西門內路南修城立第二國民學校在東江沿廟地充公日本設領事分館在東門外大街租賃由寶臣房屋修各鄉大道小道

七年 修縣立中學校在署東本年開始建築尙未竣工修警察一區所在東門裡路南瓦房五間又修鎮江樓上下各五間下駐警察駐所以扼江道進街

通化縣志  
卷一 建置志  
六

之咽喉又修忠烈祠正房及東西廂各三間於玉皇山坡所有縣境因公陣亡警甲陸軍等官長兵士均設牌位於內以表忠烈而慰靈魂又修公園瓦房共九間於玉皇山頂以作遊賞娛樂之場

八年 修警察所於署西院舊典史署所居之保圍團辦事處及第一團房間均行拆毀

九年 修農務會於城西門裡路北瓦房七間並修保甲一區二所瓦房七間

十年 修理警察馬隊前院瓦房五間安設電話局

十一年 改修屠獸場於西關原永善堂捐助空地內瓦房

共五間一所三間屠宰豬一所兩間屠宰牛羊又改修救貧所房兩間在屠豬場西隔壁

十二年 修八區區公所又重翻修縣署各科房間

十三年 修教養工廠於縣署後院西邊瓦房十六間

十四年 修炮台四個在城街扼要處

十五年 修補後城牆又將西壩橋改修石橋又改修教養工廠及縣立第一小學教育會門牆

十六年 修理文明門之城樓建築玉皇山砲台添設苗圃  
十七年 建修壩壕門炮樓四座及建築炮樓於東北角及西北角城牆上

十八年 建築後樂亭於玉皇山西嶺以爲遊人憩息之所

十九年 修中學校後樓計九間及新民學校校舍

二十年 購置採木公司舊址改修省立第六師範學校

大同元年 修理東城門樓建築東江隄台及闢治隄台嶺公路建修江南山砲台與江南飛機廠

二年 修築玉皇山廟宇及城後一帶炮台

康德元年 建修東南江木橋兩座及修治城鄉道路

二年 修理壩壕兩岸濬水使深砌石使固縣志增修告成

疆域志

縣治初設東至長白西抵興京南跨輯安北包柳河縱橫蓋九百餘里自光緒二十九年長臨輯柳劃分後東至五道江嶺西至富爾江岸南至葦沙河崗北至分水嶺巔絕長補短猶方百里也民國十五年春省令劃大荒溝迤北併於金川東北一隅稍形見蹙然比較中國內省縣分尙三四倍之三代封建大國何以遠過於茲夫以如此之幅員賢有司蒞而治之不足施其展布哉謹將現轄疆域縱橫四至表列於左

附表

名稱	里數	備考
面積	二八二五 <small>方里</small>	
縱	九八	
橫	一九二	
東至臨江縣	七〇	
西至興京縣	一二三	
南至輯安縣	三五	
北至柳河縣	六三	
東南至輯安縣	一三五	
東北至金川縣	一二〇	
西南至桓仁縣	一一五	
西北至柳河縣	一六一	

經緯志

夫南箕北斗周雅定其方位素魄丹曦河洛識其躔次此唐虞有羲和之命歷代有太史之官也今則寰海一家輿地學說較前尤宜精確良以天時寒燠四季變遷里徑方圓晝夜長短與自然界有直接之關係即與人事上有間接之影響故宜考自然界之常軌以爲人文之準備並宜斟酌天時而神其運用此經緯之所以不可忽也爰志經緯

方位

考本縣縣境分野在箕尾之間析木之次今以地球經緯度考之（以中國北京天文臺爲中經線）縣城居東經九度四十六分東起東經十度十五分西抵東經九度十分以緯度考之縣城居北緯四十一度三十六分南起北緯四十一度十分北抵北緯四十二度五分以世界經度計之縣城居東經一百二十六度三分東至極東一百二十六度三十二分西至極西一百二十五度二十七分

氣候

全境氣候無急劇之變易以華氏表驗之每歲立春後由十七八度至三十六七度春分後由三十七八度至五十四五度立夏後由五十六七度至七十度夏至後由七十二三度至九十度立秋後由七十六七度至五十四五度秋分後由五十三四度至三十一二度立冬後由三十度至十度或七八度不等然炎夏最高溫度不過九十

一二度嚴冬最低溫度至冰點下十度爲止每歲九月降霜十月間降雪水始結冰至十一月河水堅結翌歲二月中雪止河冰皆泮由三月至五月頃爲春暖五月迄七月中暑氣盛七月半至九月杪爲秋冷十月至來歲二月爲嚴冬寒氣盛爲時百五十日春夏秋三季不過六七十日夏日多南風冬日多北風縣城初設之時森林茂密人烟稀少故天令較寒近十餘年來肆市櫛比人烟稠密天氣較奉天省城無甚差別

### 晷刻

縣境晝夜時刻冬至日出辰初二刻一分有奇日入申正一刻十三分有奇晝長八小時三刻十二分有奇夜長十五小時零二分有奇夏至日出寅正一刻十三分有奇日入戌正一刻有奇春秋分日出卯正初刻日入酉正初刻晝夜各十二小時但地球南北四時不同本境緯度視北京約北偏二度有奇節氣較北京（天文臺所定曆書）恒晚二日地球東西晝夜不同本境經度視北京約東偏六度有奇故晝夜較北京恒早二十五六分（按每晝夜二十四小時每小時六十分統計一千四百四十分以地球三百六十度平均每四分鐘約行一度）至全境雨量以四時考查之春季爲一六一點九夏季爲四二零點零秋季爲五六點九冬季爲一七二點零云

## 城市志

東鄰日本首重町村之制西洋英美亦尙市鎮諸規市政之不可不興也明矣中國日中爲市以其所有易其所無爲市政之濫觴迨生齒日繁人烟稠密則始有鄉黨里州之建置焉及區域益多人羣愈衆於是有所省府州縣之區分焉故城市者人民之淵藪國家之根本也未有城市不治而人民能富裕國家能盛強者亦未有城市整飭而閭閻鮮蓋藏國家反罷頓者今者省政當軸鑒彼東西銳意規劃故各縣亦奉令施行我通設治之時城垣周圍雖狹但街道宏敞市肆整飭自奉令區劃市場指定各行而交易稱便各區鄉鎮亦遵而行之將來市政成績定不在他縣下也

## 城市

縣城建於清光緒四年瀕佟佳江北岸全城萬山深鎖一水中分風景之勝爲東土冠城垣以磚石爲之濶約丈許雉堞參差周圍四里許原闢三門南曰文明門（現改爲雲開門）東曰晏和門（現改爲躋樂門）西曰寶成門（現改爲德政門）北不開門城內居民及商賈甚夥惟衙署在焉茲計郵局協和會國道局奉天建設處通化事務所圖書館孔學會日本守備隊縣政府警務局警察大隊部電話局縣農會城廂保高等法院地方檢察廳均在城內路北女學校公益工廠警察教練所警察一分署日本領事館森林事務所專賣總批發處專賣署硝磺緝私分局日本憲兵隊日本赤十字會鹽務緝

私分局西門裏兩級小學校電報局均在城內路南惟南門裏東西一帶及東門裏路北一帶爲民戶居留之地然亦寥寥數十家而已城分四關自東門外至北燒鍋爲東關街市寬廣道路清潔商賈輻輳貿易繁盛而滿洲中央銀行通化紅十字會基督教會縣立師中校東江沿兩級小學校三分所機關槍連四分所迫擊砲連電燈廠在焉自德政門迤西各地爲西關飯館小販梨園游藝場均集於此以故遊人雜沓車馬喧闐日夕不絕而五分所屠獸場在焉自雲開門迤南爲南關商業不甚繁盛而日本守備隊稅捐局二旅司令部團部安東省立通化師範學校二分所朝鮮普通學校南壩外兩級小學校朝鮮人民會大和會事務所所在焉城後一帶爲北關地面既

狹交通復梗以故商人裹足民戶麇集於此耳而商會消防隊道德會立義務女學第一軍管區第一地區司令部清真寺兩級小學校天主教堂文華私立小學在焉

南市場 在南壩壕外長約半里許零星小販麇集其處均以木板爲肆營業以販賣豬牛肉及魚類蔬菜爲大宗

東市場 在東壩壕外長約一里許中以大道爲限路北爲牛馬市路南爲菜行營業以販賣豬牛肉鮮貨菓品及蔬菜等爲多

西市場 在平康里迤西地係曠場北爲梨園西爲說書賣藝所每當農忙之時工人均麇集其處故稱工夫市（俗呼窮漢市）

集市 城內外居民曩遵古者日中爲市以其所有易其所無慣

例故向有集市之舉每逢舊曆初三十三二十三則集在東昌橋前謙泰潤燒鍋門首每逢舊曆初六十六二十六則集在東門外每逢舊曆初九十九二十九則集在南門外遇集市之日百貨雜陳四民肩摩踵接頗爲熱鬧云

戶口 全城居民共五千七百三十一戶總計男女人口共三萬三千八百八十餘口

井泉 東關洋井九十八眼大井三十一眼西關洋井十八眼大井四眼南關洋井二十八眼大井二十五眼北關洋井二十眼大井五眼城內洋井十九眼大井四眼共計洋井一百八十三眼大井六十九眼統計二百五十二眼

四道江 在縣城東六十里爲赴臨江之咽喉計東西大街約半里許有商舖五十餘家並有馬集糧集附近居民農產物皆運銷此地通化商會分會稅捐分卡村公所警察分所協合分會等機關均在焉近來人烟稠密交通便利頗有蒸蒸日上之勢

熱水河子 在縣城東三十里亦爲赴臨江之要路有商號三十餘家商會分會區農會及警察三分署均設於此近來商業頗盛有與四道江並駕齊驅之勢

快大帽子 距縣西四十里北臨大山便於守望故向爲縣城屏障亦爲赴奉天及桓仁之孔道民國初元該鎮人烟稠密商務繁盛自民國九年胡匪突入鎮毀於火商戶民廬焚燒泰半商業狀況

非復昔日可比近年來還定安集漸復舊規商舖約五十餘家稅捐分卡商會分會暨警察四分署均設於此

大泉眼 在縣南九十里爲赴桓仁之中樞有商號二十餘家通化縣警察第五分署稅捐分卡均設於此亦爲本境之巨鎮也

三棵榆樹 在縣城西北一百二十里爲赴興京之孔道街內住戶零星商務亦不甚發達通化縣警察第六分署暨稅捐分卡均設於此

集場子 在縣城北七十里設鎮以河爲界分東西集場河東曰東集場河西曰西集場東集場原有商舖三十餘家自經匪亂多已例閉西集場商舖較多似稍繁盛警察第八分署暨村公所區農會在焉該鎮因北界金川匪氛不時傳來故居民當青紗障起之時多紛紛移居城內以致商業未臻發達

